

黃帝內經素問註證發微卷七

明太醫院正文會稽庠生元臺子馬蒔仲化註證

○長刺節論篇第五十五

篇內言刺家節要之法惟長于此者則雖不診脉而聽病

者之言亦可以行鍼也故名篇

刺家不診聽病者言

此言刺家不能診脉者當審病者之言以刺之也夫病彰於脉脉有虛實則補瀉可施按靈樞九鍼十二原篇云凡將用鍼必先診脉視氣之劇易乃可以治也但後世之士既不能診又不詳審病源故神聖言此爲不能診脉者設耳非謂刺家之不必診脉也觀前後諸篇之

黃帝內經素問註證發微卷七

明太醫院正文會稽庠生元臺子馬蔣仲化註證

○長刺節論篇第五十五

篇內言刺家節要之法惟長于此者則雖不診脉而聽病

者之言亦可以行鍼也故名篇

刺家不診聽病者言

此言刺家不能診脉者當審病者之言以刺之也夫病彰於脉脉有虛實則補瀉可施按靈樞九鍼十二原篇云凡將用鍼必先診脉視氣之劇易乃可以治也但後世之士既不能診又不詳審病源故神聖言此爲不能診脉者設耳非謂刺家之不必診脉也觀前後諸篇之

言脉者可知矣

在頭頭疾痛爲藏鍼之刺至骨病已止無傷骨肉及皮膚者道也

此言刺頭痛之法也言頭痛者其病在腦腦卽骨也乃深入其鍼如藏物然故曰爲藏鍼之直刺至骨則病自已也病所在骨已上無傷骨上之肉及皮蓋皮乃經脉往來之道不可傷也

陰刺入一傍四處治寒熱深專者刺大臟迫臟刺背背俞也刺之迫臟臟會腹中寒熱去而止與刺之要發鍼而淺出血

按靈樞官鍼篇云五曰陽刺陽刺者正納一傍納四而浮之以治寒氣之博大者也十曰陰刺陰刺者左



右率刺之以治寒厥中寒厥足踝後少陰也。
今本篇陰刺之法乃是陽刺則陽誤作陰。

此言治寒熱之法也。凡腹中有寒熱病者則陽刺之。正入一傍入四。若寒熱病氣深而且專則病在五臟當刺大臟以治之。惟其邪氣迫臟故刺五臟之俞在於背者。卽肺俞心俞肝俞脾俞腎俞也。蓋五臟爲大臟而刺五俞卽所以刺大臟也。然刺之迫近於臟以五俞爲臟氣之所會耳。刺之無問其數必使腹中寒熱去而止鍼且刺之要不宜出血太多須發鍼而淺少出其血耳。

治腐腫者刺腐上視癰小大深淺刺刺大者多血小者深

之必端內鍼爲故止

小者深之之深當作淺內納同

此言刺腐腫之法也。腐腫謂腫中肉腐敗爲膿血者。刺其腐上癰小者則淺其鍼大者則深其鍼蓋刺大者欲其多出血故深刺之刺小者不欲其多出血故淺刺之也。但端納其鍼候病去復故則止鍼矣。

病在少腹有積刺皮髓以下至少腹而止刺俠脊兩傍四

椎間刺兩髀髀季脇肋間導腹中氣熱下已

按舊本新較正因韻書無

髓字遂欲以髓字易之按髓音括靈樞師傳篇有髓骨有餘以候髀髀則髓字信可訓爲骨端也但以此代髓字未安愚意內經中有應用肉傍者每以骨旁代之有應用骨旁者每以肉旁代之故近有同文錄勝有髀髀有髓則髓可作髓左傳桓公六年隨季良諫追楚師而公言性性肥髓髓亦肥意勝似髓字髀口亞反髀音窈

此言刺少腹有積者之法也凡病在少腹有積者刺皮

脂以下至少腹而止

皮膚原非穴名愚意自少腹之皮肥厚以下盡其少腹內取穴而止

王註謂皮膚脂在臍下同身寸之五寸則是曲骨穴也夫既曰曲骨則當言為已上不宜言已下也今按曲骨雖

治少腹脹滿但王註言已下則可驗其為強解也全元起作皮髓亦未為得又刺四椎兩旁

間乃手厥陰心包絡之俞也按脉要精微論帝曰診得

心脉而急此為何病病形何如岐伯曰病名心疝少腹

當有形心為牡臟小腸為之使故曰少腹當有形也由

此則少腹有積刺厥陰俞宜矣

王註謂四椎旁無俞欲以五椎旁心俞易之蓋

不考厥陰俞即為心包絡之俞也髂為腰骨兩髂髃者居髂穴也係足

少陽膽經季脇肋間章門穴也

居髂在章門下八寸三分果治腰引小腰痛王

註另以季脇肋間為章門穴亦治小腹痛引腹中之氣亦係肝經在臍上二寸開兩旁各九寸

至有熱氣下行則病已矣蓋熱下則積散也

病在少腹腹痛不得大小便病名曰疝得之寒刺少腹兩

股間刺腰髀間刺而多之盡炆病已

髀胡无切
炆同

此言刺寒疝之法也小腹間痛而大小便皆難其病名

疝得之寒氣所致也蓋疝成于肝腎二經肝經環陰器

抵少腹腎脉上股內後廉貫脊屬腎其氣衝亦腎與衝

脉之所經故卽少腹腰股髀骨間而多取其穴候少腹

盡熱則病已矣炆者熱也

病在筋筋攣節痛不可以行名曰筋痺刺筋上爲故刺分

肉間不可中骨也病起筋炆病已止

中
去聲

此言刺筋痺之法也筋痺則筋攣節痛而難以起行刺筋之痛上以復其舊且筋在分肉間刺筋者不可刺至骨而傷之也若病已起筋已熱則病已而可止鍼也

病在肌膚肌膚盡痛名曰肌痺傷於寒濕刺大分小分多

發鍼而深之以熱爲故無傷筋骨傷筋骨癰發若變諸分

盡熱病已止

氣穴論云肉之大會爲谷則合谷陽谷等爲大分肉之小會爲谿則解谿俠谿等爲小分

此言刺肌痺之法也傷于寒濕肌膚盡痛故成肌痺刺

大肉小肉之分多發鍼于穴所而深刺之候其氣至而

熱爲復其舊俱無至大深以傷筋骨若傷之當發癰而

有他變也

靈樞九鍼十二原篇云鍼太深則邪氣反沉病益又終始篇云病淺鍼深內傷良肉皮膚

爲癰

必得大小肉分盡熱則病已而可止鍼矣

病在骨骨重不可舉骨髓酸痛寒氣至名曰骨痺深者刺無傷脉肉爲故其道大分小分骨熱病已止

此言刺骨痺之法也骨重難舉髓中痠疼而寒冷氣至病成骨痺當深刺之然無傷脉肉爲復其舊其鍼路在大小分肉間候至骨熱則病已而可止鍼也

病在諸陽脉且寒且熱諸分且寒且熱名曰狂刺之虛脉視分盡熱病已止

此言刺狂病之法也手足諸陽經之脉及大小肉之分發爲寒熱是氣亂爲狂刺之者當乘其脉之盛而瀉之

使虛視諸分肉盡熱則病已而可止鍼也

病初發歲一發不治月一發不治月四五發名曰癲病刺諸分諸脉其無寒者以鍼調之病已止

此言刺癲病之法也病有初得之者或每歲一發或每月一發皆不治可愈至每月四五次發者名爲癲病先刺各經之分肉與脉如不至于寒則可以鍼補之候病已可止鍼也上文言病在諸陽脉爲狂則此當在諸陰脉爲癲上文言發寒熱是寒亦熱極所致也此曰無寒則病在陰分但寒而不熱若至于無寒則爲病已之兆此乃陽經陰經之分寒熱與寒之異曰狂曰癲之殊也



中國醫藥大學圖書館藏

難經謂諸陽爲狂諸陰爲癲者以此

病風且寒且熱炅汗出一日數過先刺諸分理絡脉汗出
且寒且熱三日一刺百日而已

此言刺風證之法也凡病風發爲寒熱熱時汗出一日
數過此卽風論之所謂寒熱證也先刺諸經分肉腠理
絡脉其汗隨出仍發寒熱但須三日一刺至百日而病
可已矣

病大風骨節重鬚眉墮名曰大風刺肌肉爲故汗出百日
刺骨髓汗出百日凡二百日鬚眉生而止鍼

此言刺大風證之法也病大風者卽風論及靈樞四時



氣篇皆謂之癰也。其骨節重，鬚眉墮，當刺其肌肉以復其舊，但刺肌肉以出其汗者，百日又刺骨髓以出其汗者，亦百日。凡二百日，則鬚眉出而可止鍼矣。

癰音癰

○皮部論篇第五十六

篇內首語有皮有分部未亦如之故名篇

黃帝問曰：余聞皮有分部，脉有經紀，筋有結絡，骨有度量，其所生病各異，別其分部，左右上下，陰陽所在，諸經始終，願聞其道。岐伯對曰：欲知皮部，以經脉爲紀者，諸經皆然。此言皮部以經脉爲紀，盡各經而皆然也。人身之皮分爲各部，如背之中行爲督脉，督脉兩旁四行屬足太陽經，肋後背旁屬足少陽經，肋屬足厥陰經等義是也。脉



東華大學圖書館藏

有經紀故靈樞有經脉篇筋有結絡故靈樞有經筋篇
骨有度量故靈樞有骨度篇者是也

陽明之陽名曰害蜚上下同法視其部中有浮絡者皆陽
明之絡也其色多青則痛多黑則痺黃赤則熱多白則寒
五色皆見則寒熱也絡盛則入客於經陽主外陰主內少
陽之陽名曰樞持上下同法視其部中有浮絡者皆少陽
之絡也絡盛則入客於經故在陽者主內在陰者主出以
滲於內諸經皆然太陽之陽名曰關樞上下同法視其部
中有浮絡者皆太陽之絡也絡盛則入客於經

蜚音飛

此言手足三陽經之皮部也陽明之陽名曰害蜚蜚者



飛也害蜚者卽後害肩之義推之則蜚當爲輕揚而肩

當爲沉重也卽後關蟄之義推之則蜚當與蟄正相應

也夫陽明而曰害蜚者陽氣自盛萬物陽極則有歸陰

之義故曰害蜚物之飛者尤爲屬陽也

如詩經有四月萎蕤及本草至

夏則草枯而有夏枯草之類

上者手也爲手陽明大腸經下者足也

爲足陽明胃經上下同一法耳視其上下部中有浮絡

者皆陽明之絡也

大腸經之絡曰偏歷穴胃經之絡曰豐隆穴然謂之曰浮絡則孫絡大絡

皆在其中其色多青則爲痛多黑則爲痺黃赤則有熱多白

則有寒五色皆見則有寒有熱者絡盛則方入客於經

脉蓋絡自旁行之脉言而經自直行之脉言也大腸與

胃主外爲表而肺與脾主內爲裏由絡入經則由經入裏之漸也少陽之陽之義名曰樞持陰陽離合論以大陽爲開陽明爲闔少陽爲樞則此少陽者乃其執持此樞之經也手少陽爲三焦經足少陽爲膽經故上下同

一法耳視其上下部中有浮絡者皆少陽之絡也

三焦之絡

曰外關穴膽經之絡曰光明穴然謂之曰浮絡則孫絡大絡皆在其中

其色多青則爲痛

多黑則爲痺黃赤則有熱多白則有寒五色皆見則有

寒有熱也絡盛則方入客於經脉故在陽者主內少陽

爲一陽而外陽明爲二陽太陽爲三陽則此少陽真

主在內也其心包絡爲三焦之裏肝爲膽之裏主出以

應於不陽而又滲灌於內是表裏相須之理宜然也推之諸經皆如此耳太陽之陽之義名曰關樞蓋少陽爲樞而此太陽爲三陽最在外則此太陽爲關樞也陰陽離合論以陽明爲闔太陽爲開而此以太陽爲關關者闔也蓋彼就表之表而言而此對少陽而言耳手太陽爲小

腸經足太陽爲膀胱經故上下同一法耳視其上下部

中有浮絡者皆太陽之絡也

小腸之絡曰支正穴膀胱之絡曰飛揚穴然謂之曰

浮絡則孫絡大絡皆在其中

其色多青則爲痛多黑則爲痺黃赤則

有熱多白則有寒五色皆見則有寒有熱也絡盛則方

入客於經脉陽經主外而心爲小腸之裏腎爲膀胱之

裏者則在內也。上文言陽明少陽皆曰陽主外，陰主內。而又曰諸經皆然，故此太陽不言陽，外陰內之義耳。及下節陰經亦不必言也。

少陰之陰名曰樞，儒上下同法視其部中有浮絡者皆少陰之絡也。絡盛則入客于經，其入經也從陽部注於經，其出者從陰內注于骨。心主之陰名曰害肩，上下同法視其部中有浮絡者皆心主之絡也。絡盛則入客于經，太陰之陰名曰關，蟄上下同法視其部中有浮絡者皆太陰之絡也。絡盛則入客於經，凡十二經絡脉者，皮之部也。按儒甲乙經作儒考玉篇果有樞字，木名皮可染色，於義無着，不若王註儒字以順字解之亦通。王註于心主之陰止言心包，豈得